

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Augustanae Confessionis Historiam, Rectore
Magnificentissimo, Serenissimo ... Friderico Augusto,
Principe Regio ... A Recentiorum Quorundam Corruptelis
Breviter Vindicatam Dabunt**

**Wernsdorf, Gottlieb
Seeger, Johann Friedrich**

Vitembergae, 1705

§V.

[urn:nbn:de:bsz:31-67830](#)

nisse, ibidemque Indulgentias, quas' vocant, venum exposuisse omnes, fateantur, quomodo Cinglius prior in Papatum detonuerit Luthero, qui biennio post impugnatum ab hoc Papatum, demum in veniarum institorem Samsonem incidit, quas tamen *rationem & occasionem reformationis* fuisse, Hotting. ipse, sui non satis memor l. c. p. 201. testatur. Tanta nempe veritatis vis est, ut vel insciis & invitatis excidat aliquando, & tum maxime emicet, quum tenebras ipsi affundere homines ingrati enixissime student.

§. V. Idem ille Strimesus Luthero non modo *Cingulum*, sed & *Carolo stadium*, in emendatione sacrorum collegam addit, ut qui Vittembergæ multa, non tamen omnia, privata auctoritate innovarit. *Vid. Hex. observ. §. XIV. pag. 46.* Consentit eruditissimus Auctor der *Eiwegung der Historie von den ersten religions-motibus*, & *Carolo stadium* non per se, sed per *Magistratum*, nec *privato consilio*, sed de voluntate, & sententia Collegarum dejecisse imagines, docet §. XIX. pag. 21. simulque ad rerum gestarum Commentarios provocat, es sey acten mäfig. Discere autem hic velim, quinam & quales, & a quibus, conditi sint illi commentarii, quibus docetur, *Carolo stadium*, cum excitat tumultum, non *privato* quicquam *consilio*, sed *publica auctoritate*, fecisse. Memini scripsisse olim *Embden-ses* im historischen / wahrhaftigen Bericht vom Streit des heiligen Abendmahls / *Embde anno 1590. c. 5.* ope consilioque trium Electoris *Consiliariorum*, & aliquot Collegarum Lutheri imagines esse dejectas. Sed confutati sunt ab Hunnio partim literis *Hier. Schurfi*, qui t. t. Electori a Consiliis erat: partim *bujus ad Schurfi* responsoriis. Schurfius ita scribit: Ich kan Ew. Churfl. Gnaden meiner Verflichtung nach --- nicht bergen/ daß sich etliche bey Uns ohn alle Forderung/ und vocation, sondern aus eigenen Füرنehm

zu

zu predigen eingedrungen / und es endlichen leider dahin ges
bracht / daß viel Bürger/ und Studenten nicht anders wiss-
sen/ noch glauben/ als solte allein der ein rechter guter Chris-
ten seyn/ der da nicht beichte/ Bilder abreisse &c. Ad quæ
hanc in sententiam respondit Elector. Wir haben nie
gern gesehen/ daß sich etliche dermassen zu predigen / und an-
ders fürzunehmen eingedrungen/ was wir auch dagegen ha-
ben handeln / und fürnehmen lassen / das ist dir / und an-
dern / so wir darzu gebraucht / bewußt &c. Vid. Hunn. in der
Wiederlegung pag. 103. seq. Itaque hac maximede causa
improbabat εινονουαχιαν Carolostadii Lutherus , quod
inscio Principe , invito Senatu , improbantibus Bonis
omnibus , audebat . Neque enim se repugnare dice-
bat , quo minus imagines tollantur , sed hoc a magistratu fieri
debere , nec permittendum , ut vulgo promiscue fiat ab omnibus ,
teste Sleidano de Statu Relig. L. III. p. m. 72. Quibus porro
moribus fuerit Carolostadius , Philippus in quadam ad
Myconium Epistola docet. Carolostadius,inquit,primus ex-
citavit hunc tumultum, homo ferus, sine ingenio, sine doctrina ,
sine sensu communi, quem nullum unquam humanitatis offici-
um, aut intelligere, aut facere animadvertisimus , tantum abest,
ut significatio aliqua Spiritus S. in eo animadversa sit. Imo ,
extant manifesta signa impietatis. In tota doctrina solebat
ιδαιζειν, και συσταιζειν. -- Totam illam fanaticam Anabapti-
starum doctrinam statim initio των αμφοτεων amplectebatur.
--- Et controversiam de Coena Domini tantum odio Lutbe-
ri non aliqua pietatis opinione movit. Etenim,cum εινονουαχια
ipsius a Lubero improbata esset, coepit ille inflammatus imma-
ni cupiditate vindictæ querere causam vendibilem, qua Lutbe-
ri existimationem prorsus obrueret. Bona Pars Germanie
testari potest, nihil me hac in re fingere. Hujus auctorita-
tem testimonii elevare studet supra citatus Auctor der
Erwe

Erwiegung p. 231, quia sit ex odio profectum, opponitque judicium P. Mosellani, qui ejus in Colloquio Lipsiensi modestiam commendarit. At, qui forte t. t. metu aliisque de causis modestum se gessit, alias, etiam ante emendationem sacrorum, & suscepta cum Luthero certamina, turbulentum se præbuit, rixosum & contumacem. Etenim, A. 1515. Wolfgangus Anhaltinus, Academiæ Rector, datis ad Electorem literis, questus est, Carolostadium a Creditore quodam 12 florenorum, quos debebat, nomine conventum, a judicio Capituli ad Pontificem appellasse, multasque in judices injurias evomuisse. *Esse enim hominem rixosum, cuius conversationem omnes fugiant:* Deinde causatum, ex voto se obligatum esse, ut Romanum peregrinaretur, & protinus absque venia discessisse: neque constituisse, qui, se absente, sacra faceret, aut lectionibus Academicis fungeretur. Hæc ex Actis Vinariensisibus excerpta suæ historie de Lutheran. inseruit Seckendorfius L. I. f. 199. Sed & Principis Eum mandata contemptim, & insuper habuisse, exemplis probat Löberus in Hist. Eccles. Orlam. P. spec. sect. I. p. 160. His moribus fuisse Carolostadium, nostris ex Commentariis discimus, ut facile appareat, suo in judicio Philippum nihil odio, nihil invidiæ, dedisse. *Quod si talem ferre Reformatorem alii possunt, nos non repugnamus.* Ipsi tales non inter Reformatores, sed Deformatores, numerandos esse, existimamus.

§. VI. Etsi vero Lutherus non novam invexit, sed veterem renovavit doctrinam, eademque illa progressu temporis statuit ac defendit, quæ olim Prophetæ & Apostoli Ecclesiæque antiquioris Doctores de Deo, & Christo, de viribus humanis, de peccato, & gratuita illorum remissione, Ministerio verbi & Sacramentis, aliisque religionis Christianæ capitibus, proposuerant, dici tamen non potest, quantis initio doctrina hæc difficultibus